



Martinus natus est Badenis marchionum an-
no millesimo quingentesimo quarto. Is pri-
mò in patria operam literis dedit, & bonarum ar-
tium fundamenta feliciter iecit. Postea sese in uici-
num monasterium Schuartzach contulit, & ut
commodius studijs incumbere posset, ordinē Be-
nedictinorum assumpsit anno 1520. In eo loco dili-
genter sese in sacris literis exercuit, & talem sese
erga superiores & æquales exhibuit, ut anno 1536
Protocellarij, & tandem 1548 Abbatis nomen &
officium obtinuerit. Itaq; ipse sua frugalitate æs a-
lienum ab antecessore conflatum soluit, & in uirtu-
tibus pergendo cæteris exemplo fuit. Id cum fra-

tres in Schutteren monasterio uicino intellexissent, eum quoq; suum abbatē
elegerunt, Anno millesimo quingentesimo quinquagesimo septimo. Vnde
Martinus eos accessit, & solita māsuetudine cuncta ordinauit. Cum uerò om-
nia rectè disposuisset, anno quinto eā Abbatia ipsi resignauit, & in Schuar-
tzach rediens ea Abbatia contentus fuit.